



## Universitätsbibliothek Paderborn

**R. P. Ioannis Azorii Lorcitani, Societatis Iesv Presbyteri  
Theologi, Jnstitvtiones Morales**

In Qvibvs Vnivers[a]e Qvaestiones ad Conscientiam recte aut prauè  
factorum pertinentes, breuiter tractantur

**Azor, Juan**

**Coloniae Agrippinae, 1602**

22. De Amore actu voluntatis elicito.

**urn:nbn:de:hbz:466:1-14077**

pulsatur ac ceditur, ex parte martyris bona est pulsatio qua afficitur, & quicquid boni in ea est, Dei munus, beneficium, & opus est; ex parte vero tyranni, vel carnicis martyrem verberantis, mala est, & Deus non vult, nec facit, ut tyrannus perperam agat, & inique martyr perferat verberet. Objecies, satis esse ad generale auxilium, quo prima causa cum secunda operatur, si prima causa sponte sua cum secunda producat totum id, quod sit, videlicet actionem & effectum in materia suceptum: nec opus est ut causam secundam, ad agendum moueat & applicet, nam in peccatis, quae perperam committuntur, cum voluntate humana Deus etiam operatur id, quod sit, & est, & tamen Deus ipse non facit, aut vult ut quis peccet, nec voluntatem ad peccandum flectit aut mouet. Respondeo, quod Deus vult & faciat ut nos bona velimus, & faciamus, & quod non vult, aut faciat ut nos peccemus, differentia non solum prouenit ex parte Dei, cuius potestas nec crescit nec minuit, ita ut maior minor sit, sed ex ipsa etiam natura, & conditione eorum quae sunt, nam bonorum, non malefactorum, Deus est auctor primus: peccata etenim non facit ipse, aut vult, sed permittit longe ante praeconscens. Et id eo quod Deus alioqui omnipotens non vult, aut non faciat peccata, licet cum voluntate peccante operetur id, quod in peccato re ipsa est & fit, propterea est, quia peccatum fieri non potest Deo volente, & faciente ut quis peccet: at bona quae natura facit vel voluntas, fieri nequeunt nisi volente & faciente Deo, ut ipsa voluntas vel natura faciat. Hæc enim rerum, quae sunt, conditio est, ut aliae sunt quas voluntas, & facimus, præconoscere quidem, & permittente Deo, sed non volente & faciente ut faciamus: aliae vero sunt, quas voluntas & facimus Deo volente, & faciente ut efficiamus. quemadmodum non est in Deo minor voluntas sive potestas, quam scientia: hæc enim & illa quæ est infinita & immensa: & tamen non omnia, quæ Deus cognoscit, vult, aut decernit, & facit ut faciamus, nam peccata nouit, & tamen non vult, nec statuit ut faciamus. In bonis operibus, inquit Anselmus, lib. de concordia, præscient, Dei cum lib. arbitrio prope finem, Dem facit quod sunt, & quod bona sunt: in malis vero facit id, quod sunt, sed non quod malas sunt. Nec ex dictis colligitur, contingentes & fortuitos eventus ex natura rerum tolli, nam in natura sunt multæ causæ, quæ & impedit queunt, & re ipsa impediuntur interdum Deo volente, & faciente, ut hæc vel illa causa hanc vel illam impedit: nec tamen Deus seipsum impedit, quia id euennit, quod ipse voluit; ut eueneret. Cetera causæ sese aliquando impediunt, Deo nihil est fortuitum, sed naturæ, vel voluntati creatæ, quæ nec omnia præfiniunt, nec omnia præuidit antequam euenniant, quibus si fortuito aliiquid accidit, Deus ipse decernit. Nec in hac parte contra S.Th. sententiam, quam verissimam puto, Scotus, Gregor. Gabriel, & Dionys. supradicati aliquid dixerunt, quoniam solum locis ante productis docent, effectum non prius à Deo quam à causa secunda produci quod aliud sensum habet, ut constat ex dictis. Si dicas, Ignis sua natura vult, voluntas suo arbitratu deligit, ergo non solum habet sua natura ignis quo possit vre-

re, sed etiam habet quo vrat, & voluntas quo velit & eligat. Respondeo, ignis, dum eius natura, & vis vrendi manet & conseruatur à Deo, habet eo ipso naturaliter quo possit vreare, non tamen eo ipso habet quo vrat, alioqui semper vreteret, nam sicut naturam & vim vrendi non habet nisi Deus det & conseruet, sic nec vrit, nisi Deus velit ut vrat. Pari ratione homo, dum natura eius manet, & conseruatur à Deo, liberum habet arbitrium, si mentis sit compos, quo possit velle & eligere bonum, sed non eo ipso vult & eligit, nisi velit Deus ut velit, & eligat.

## Cap. XXII.

## De amore actu voluntatis elicito.

**PRIMO** QUERUSITUR.

Quidnam sit amor in voluntate. Respondeo, esse actum, quo voluntas sive alicui bonum intelligentia vel ratione perceptum, ac iudicatum est enim primus voluntatis actus quo res bona per rationem oblata voluntati placet, grata & accepta habetur: quæ boni approbatio confirmata amor est, & veluti quidam corroboratus in animo voluntatis complexus. Quare odisse nihil aliud est nisi velle alicui malum. Ex quo efficitur, ut Deus cuncta, quæ facit, amet, quia amare, est velle alicui bonū: sed Deus nihil cōdit ac procreat, quin tribuat ipsi bonum, nam faciens res, causa est ut res ipsa sint; & hoc quod est rem esse, est aliquid boni: ideo Deus siue faciens siue conseruans res, amat eas, quoniam fecit ut effent, ac seruat eas, ne in nihilum, ex quo ipso auctore, fluxerunt, penitus relabantur. Solum vero peccatum odit Deus, quia vult, ut peccatum non sit; ipsorum vero peccatores partim odio habet, & partim amat: dilit quidem eos, quatenus naturam & reliquias omnes naturæ conditions habent: vult enim ut homines sint, sensu, ratione, voluntate, & arbitrio vigant, & presentes; odio vero habet eos ut peccatores, non enim homines vel Angelos vult, ut peccatorum sorribus inquinatos.

**SECONDO QUERUS**ITUR.

Quotuplex sit Amor in voluntate: Respondeo, esse duplice, nimirum amorem amicitia, qui dicitur etiam amor benevolentia, & amorem concupiscentia. Amor amicitia vel benevolentia est, quo voluntas bonum alicui propter ipsum, hoc est, non quia ex eo utilitas aliqua nobis obueniat: & hoc amore diligimus Deum & amicos, cum eos charitate complectimur absque ullo nostri commodi respectu. Amor vero concupiscentia est, quo voluntas bonum alicui non propter ipsum, sed propter nos, hoc est, quia ex eo aliqua in nos ipsos utilitas manet, ac deriuetur, veluti cum Petrum diligimus propter ipsum quia bonus est, dicitur amor amicitia vel benevolentia: cum vero Petrus cupimus bonam valetudinem, dignitatem, honorem, artes, diuitias, est amor concupiscentia erga valetudinem, artes vel diuitias. Quare amor amicitia per se directo fertur in personam, quæ propter se nobis placet, quia bona est: amor vero concupiscentia per se directo refertur ad ea bona, quæ optamus ei, quem benevolentia amore prosequimur. Animaduendendum est amorem amicitia in praesentia non ideo

S.Th. 1.2.  
q.26. ar.4.  
Gavr. 3. d.  
27. q.1. a.1.

S.Th. 1.2.  
q.26. ar.4.  
Gavr. 3. d.  
27. q.1. a.1.

dici,

dici, quia referatur ad alterum, qui rāquam amicus nos vicissim amet: sed quia huiusmodi amore alium diligimus propter ipsum. Dicitur itaque amor amicitiae, quia amicus amore complectitur alterum, eo quod in se bonus sit, ita ut eum amet propter ipsum: amici enim sese amore prosequuntur ob benevolentiam, non ob propria commoda. Et accipimus modo amicitiam, que in honestate constituit.

Efficitur ex dictis, ut inimicos & peccatores, cum eos charitate diligimus, amemus amore amicitiae, hoc est, benevolentiae, quamvis ipsi nos vicissim non ament. Item licet amicitia non sit nisi ad alterum, nos tamen ipsos charitate vel amore amicitiae, hoc est, benevolentiae diligimus, quia propter nos amamus nos ipsos. Sequitur etiam ut honestatem & virtutes non amore amicitiae, sed amore tantum cōcupiscentiae diligamus: honestati enim & virtutibus volumus bonum, id est, cupimus, ut sint propter nos ipsos, quoniam sunt bona commoda & utilia nobis. Si obijicias Aristotelem & Philosophos communiter docuisse honestatem, & virtutes esse bona, quae propter se expertuntur; ergo amore amicitiae diliguntur. Respondeo, eos autores intelligi in hunc modū: honestas & virtus expertuntur propter se, quia non propter aliud concupitum iucundum vel vitale bonum in quod referantur, diliguntur. Nihilominus tamen appetuntur propter aliud bonum, quod amore amicitiae diligimus, hoc est, propter nos ipsos: seipsum quique charitate complectitur.

*Gabr. 3. d.  
27. q. 1. ar.  
1. nota. 6.*

Tertio queritur, Vnde nam unus amor sit altero maior, siue sit amor amicitiae, siue cōcupiscentiae. Respondeo, Si amor amicitiae cū amore cōcupiscentiae conferatur, est maior & melior eo, & natura, causa, & origine prior: quoniam amor cōcupiscentiae ex amore benevolentiae manat, ac pendet: & in ipso tanquam fine suo terminatur. Si vero duos amores amicitiae inter se comparemus, vnius est maior altero, vel quia intensior actus est, & vehementior, vel quia vni homini maius bonum, quam alteri volumus, vel quia plura bona vni quam alteri cupimus; vel quia vnius amor firmior est, aut feruentior, aut anterior altero: aut denum quia amore vnius, & non alterius libenter plura bona facimus, vel mala sustinemus. Ex quo efficitur, ut licet charitate Deum, & hominem propter ipsos diligamus, nimis quia Deus per ipsum bonus est, & intrinsecus, & natura sua, homo vero beneficio diuinæ gratiae, & charitatis & actione atque officio virtutis: ipsum tamen Deum magis amamus, quia ei præstantiora, maiora & plura bona volumus, & cupimus. Volumus enim eum esse Deum, omnipotentem, æternum, immensum, infinitum, & cætera bona habere, quæ in eo esse vel ratio naturalis ostendit, vel fides Christiana profitetur. Et eiusdem charitatis studio impulsu inducimur ad hoc, ut plura pro Deo difficultia, & dura patiamur, ita ut si in Deum, vel in hominem amorem depônere cogeremur, potius amorem in hominem quam in Deum aut negligere, aut etiam exire deberemus. Illud firmi amamus, à cuius amore difficultius aequalius: vnde magis Deum, quam quodcumq; aliud procreatrum boni amare debe-

mus: sic etiam finē magis diligimus, quia id, quod ducit ad finem: parentes quā amicos: notos & familiares, quā extraneos & ignotos: id item, quod firmius amam⁹, anteponimus alteri, quod minus firmus diligimus: huius enim facilius quam illius amore deponimus. Vnde fit ut uno eodemq; actu duo simili amemus, & tamen vnu magis quā alterum diligamus, quoniam vnum firmius, quam alterū amamus, & vni potiora pluraq; bona quam alteri exoptamus. Porro surgit: amor ex iudicio pulchri aut boni, qui deinde ipsum iudicium confirmat: est amor primus voluntatis motus reliquorum motuum dominator, moderator, ductor & rector: est motus incitatissimus initio: animi arbitrio facile sumitur; sed nō facile deponitur: sensim illabitur; sed ingressus diu & firme animo inhæretur, nec facile discedit etiamsi alas habere fingatur.

## Cap. XXIII.

*De desiderio, actu voluntatis elicto.*

**P**RIMO queritur, Quid sit desiderium in voluntate. Respondeo, esse actū voluntatis, quo bonum futurum, & expectatum tanquam nobis conueniens, & cōmodum volumus: quamvis desiderium cupiditas sit aſsequendi bonum, si absit, & cōseruandi si aſt: Et distinguitur desiderium ab amore, quia amor est boni tum præsentis, tum absentis. Desideriū vero ſolum eft boni absentis, vel expectati, vel futuri; nō enim ea desideramus quae habemus. Item amor est tuu personæ tum rei, & duplex: nimirum, vel benevolentia & amicitia; vel cupiditas, & cōcupiscentia: amore amicitiae diligimus Petrum aut Paulum propter ipsum; amore cōcupiscentiae res Petri, Pauli amamus. At vero desiderium omne est amor cōcupiscentiae non benevolentiae: & per se directo est rei; optamus enim diuitias, decus, famâ, gloriā, artes, virtutes, dignitatum & honorum gradus, valetudinem, potestiam, imperium nobis vel nostris. Personæ vero est, quatenus eam nobis cōpimus tanquam bonum nobis conueniens & cōmodum. Sic enim desideramus præsentia amici, ut eum videamus, vel cū eo colloquiamur, vel vt boni aliquid ex ei aspectu vel sermone capiam⁹.

**S**econdo queritur, Quoniam pacto spes à desiderio distinguitur in voluntate. Respondeo, commune esse spei cum desiderio, quod sit boni futuri, & absentis. nam teste Apostolo, Quod habetur, non speratur: quod enim videt qui, inquit, quid sperat? Item, sicut desiderium est rei ut nobis conuenientis & commoda, sic etiam spes. Vnde charitate Deum diligimus propter ipsum, spes vero cupimus Deum tanquam bonum nobis conueniens. At vero spes à desiderio ſecernitur, quod spes est boni futuri & absentis cū certa quadam fiducia consequenti, & possidenti, quam fiduciam desiderium non addit. Est igitur spes veluti quadam cupiditatis & desiderij forma videlicet fiducia aſsequendi bonum optatum. quomo do vero spes in appetitu ſensus à desiderio differat, & qua ratione in voluntate fit virtus, ſuis locis explicabo.

**T**ertio queritur, An desiderium, & spes ſint boni

*S. Tho. I. 2.  
q. 40. ar. 1.*

*S. Tho. I. 2.  
q. 40. ar. 1.*

*Rom. 8.*

UNIVERSITÄTS-  
BIBLIOTHEK  
PADERBORN